



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XIX. De Missis non celebratis, & celebrandis in Capella, & Ecclesia S.  
Domus Lauretanæ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

*sequens Const. est de celebratione Missarum in d. Domus Capella, & Ecclesia.*

CLEMENS PAPA XI.

*Universis Christianis presentes literas inspecturis, salutem, & Apostolicam benedictionem.*

**A**D augendam fidelium devotionem pia charitate intenti, omnibus, & singulis utriusque sexus Christianis ad Sacram Domum Lauretanam ab Omnipotenti Deo specialibus gratiis, & donis illustratam devotionis causa peregrinantibus, qui vere poenitentes, & confessi, ac Sacra Communionem recepti Sacram Domum hujusmodi devote visitaverint, & ibi pro Christianorum Principum concordia, haereticum extirpatione, ac Sanctae Matris Ecclesiae exaltatione pias ad Deum preces effuderint, quoties id egerint, plenariam omnium peccatorum suorum Indulgentiam, & remissionem, quam etiam animabus fidelium Defunctorum, quae Deo in charitate conjunctae ab hac luce migraverint per modum suffragii applicari possint, misericorditer in Domino concedimus. Praesentibus perpetuis futuris temporibus valituras.

Concessio praedicta toties quoties.

Clausula.

**S. 1.** Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae, vel ostensae.

Datum Romae apud S. Mariam Majorem sub Annulo Piscatoris die XXVI. Sept. MDCCI. Pontificatus nostri anno Primo.

XIX.

Consultitur celebrationi Missarum non adhuc celebratarum, & aliarum in posterum celebrandarum in Capella, & Ecclesia S. Domus Lauretanae.

*In praecedenti Constitutione extat concessio Indulgentiae plen. perp. Im. XII. Const. ed. 1698., Aug. Nonis, P. 8. agitur de regimine Domus, & Civitatis Lauretanae. Et hujus Pontificis Const. ed. 1711., Maji 13., P. 11. de facultate Confessorum etiam Penitentiariorum.*

CLEMENS PAPA XI.

*Ad futuram rei memoriam.*

**C**UM sicut non sine gravi animi nostri molestia accepimus, plurima Missarum, tam in Capella, quam in Ecclesia Sacrae Domus Lauretanae celebrandarum onera a multo tempore in expleta remanserint, ac usque ad annum 1678. adhibiti cum fuerint Libri, in quibus Missae manuales celebrandae adnotarentur, adeoque Missarum hujusmodi non celebratarum numerus ignoraretur, a dicto vero Anno, quo dictae Missae in Libris adnotari coeperunt, quinquaginta millium in dicta Capella, ac viginti quinque millium circiter in praefata Ecclesia respective celebrandarum Missarum hujusmodi celebrationem omissam fuisse constet, nec ullus appareat modus, quo ejusmodi oneribus non adimpletis, ac Christianis elemosynas pro aliis Missis tam in Capella, quam in Ecclesia praedictis celebrandis quotidie offerentium devotioni, & voluntati, attento Capellanorum ad hoc necessarium defectu, & quia unicum est dictae Capellae Altare, satisfieri possit, nisi desuper opportune a Nobis provideatur,

Causae hujus Constitutionis.

Dat. 28. Sept. 1701. An. 1.

& ut infra indulgeatur: Hinc est, quod Nos, ut suscepta haecenus, & omissa, ut praefertur, quantum fieri potest, ac suscipienda in futurum Missarum hujusmodi onera exacte, & diligenter adimpleantur, sicque dictorum Christianis ad dictam Sacram Domum confluentium, & elemosynas pro Missis offerentium devotio, & pietas confoveatur, prospectum esse cupientes, de Congregationis Venerabilium Fratrum Nostri S. R. E. Cardinalium, & dilectorum filiorum Romanae Curiae Praelatorum nuncupatae consilio, ac etiam Motu proprio, ex certa scientia, & matura deliberatione nostris, deque Apostolica potestatis plenitudine, praecipimus, & mandamus, ut nunc, & pro tempore existentes dictae Sacrae Domus Ministri loco dictarum Missarum usque ad memoratum annum 1678. celebrari omisarum, quarum, ut praefertur, numerus ignoratur, unam Missam cantaram in praedicta Ecclesia singulis mensibus per quinquaginta annorum spatium, celebrari facere teneantur, qua Missarum cantatarum celebratione completa, praedictarum Missarum usque ad dictum annum celebrari omisarum oneri satisfactorum fore declaramus; ac concedimus, ut dictae Missae cantatae illis, pro quibus ipsae Missae celebrari omisae, celebrari debebant, perinde suffragentur, acsi omnes eadem Missae celebrari omisae, celebratae fuissent; praedictas vero omnes Missas in Libris adnotatas tam in Capella, quam in Ecclesia praedictis celebrandas a dicto anno haecenus non celebratas, celebrari, ac proinde ultra Capellanos necessarios alios quinque, qui eas singulis diebus usque ad totale supra expressi illarum numeri adimplementum celebrent, deputari, & ut in posterum Missarum hujusmodi celebratarum numerus sciri, secutoque dicto earum adimplemento ipsi Capellani removeri possint, ac tale onus deficiat, Librum particularem, in quo iidem Capellani illas adnotent, retineri debere decernimus, & ordinamus; Quoniam autem si dictae Missae in praedicta Capella celebrandae haecenus omisae ad numerum viginti quinque millium, sicut praemittitur, ascendentes, in ipsa Capella celebrari deberent, aliorum Christianis Missas in eadem Capella celebrari expostulantium devotioni, cum ne quidem duo Altaria ad dictarum omisarum, & aliarum pro tempore celebrandarum Missarum celebrationem sufficerent satisfieri, ut praefertur, non possent; ut hujusmodi Missae omisae, quae in dicta Capella celebrandae essent ad quodcumque Ecclesiae praedictae Altare a dictis quinque deputandis Capellanis celebrari valeant; & sic celebratae perinde suffragentur, acsi ad memoratum dictae Capellae Altare celebratae fuissent, concedimus, & indulgemus. Ne vero de caetero talis Missarum celebrationis omisio contingat, numerum Capellanorum sacrae Domus praefatae, tot scilicet, quot adimplendum tam perpetuarum, quam manualium sive in Capella sive in Ecclesia praedictis celebrandarum Missarum onus sufficiant, augendum, & ut in posterum de ipsarum Missarum celebrationis adimplemento semper constare possit, duos Libros distinctos, & separatos, in quorum uno Missae manuales, pro quarum celebratione in Capella, & Ecclesia hujusmodi, elemosynae praestantur; in altero vero omnes Missae, quae in utroque loco celebrantur adnotentur, retinendos, & quolibet semestri in perpetuum computa receptorum elemosynarum, & celebratarum Missarum tam perpetuarum quam manualium revidenda, & legaliter revisa ad supradictam Congregationem Lauretanam transmittenda esse, sub suspensionis ab Officiis, vel illorum privationis per eos, qui dicta computa, ut praefertur, non reviderint, aut non transmiserint, incurrendis, aliisque arbitrio ipsius Congregationis imponendis poenis,

De Missis non celebratis usque ad annum 1678. quarum ignoratur numerus.

De Missis non celebratis post an. 1678. quarum numerus est 7500.

De Missis in posterum celebrandis.



1701.  
De Missis  
in posterum  
celebrandis  
in Capella  
dictæ Do-  
mus.

statuimus, & ordinamus. Verum quia experientia compertum habetur omnes Missas tam perpetuas, quam manuales, quæ ad Altare Capellæ hujusmodi celebrari petuntur, ad illud celebrari non posse, ut in futurum Missa hujusmodi ad Altare sub titulo Sanctissimæ Annunciationis dictæ Capellæ annexum celebrari possint, ac illis, pro quibus celebrata fuerint, suffragentur, & piorum Largitorum menti, & voluntati satisfactum sit, perinde ac ad primo dictum Altare celebrata fuissent, concedimus pariter, & indulgemus.

Clauſula.

§. 1. Decernentes easdem præsentem Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inuolabiliter observari: sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores, ac Sanctæ Romanæ Ecclesiæ præfatæ Cardinales etiam de latere Legatos, & alios quoslibet quacumque præminentia, & potestate fungentes, & functuros, sublata eis, & eorum cuiuslibet quavis aliter iudicandi, & interpretandi facultate, & auctoritate iudicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus quoruncumque Testatorum, & piorum Largitorum etiam ultimis voluntatibus, quas quoad præmissa sufficienter, & expresse commutamus, ac Constitutionibus & Ordinationibus Apostolicis, necnon quatenus opus sit, dictæ Sacræ Domus, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XXVIII. Septembris MDCCII. Pontificatus nostri anno Primo.

XX.

Confirmatur Decretum Congregationis Episc. & Reg. de celebratione Capitulum, & Congregationum Provinciarum Lusitanæ, & Algarbiorum FF. Min. de Observ. & Tertii Ord. S. Francisci.

*Inn. XII. Const. ed. 1700., Jul. 10. P. 9. agitur de alternativa in Provincia Insularum Azorum sub Regno Portugallia. Et hujus Pontificis Const. ed. 1717. Jul. 8. P. 17. de divisione, & erectione Provincia. Bened. XIII. vero Const. ed. 1724., Off. 3. P. 1. abrogantur privilegia personalia FF. Tertii Ord. in Regnis, & Dominiis Portugallia.*

CLEMENS PAPA XI.

*Ad futuram rei memoriam.*

Nuper pro parte dilectorum filiorum Fratrum Provinciarum Portugallia, & Algarbiorum Ordinis Minorum Sancti Francisci de Observantia nuncupatorum, necnon alterius Provincie Tertii Ordinis ejusdem Sancti Francisci in Lusitania Congregationi Venerabilium Fratrum Nostrorum S. R. E. Cardinalium negotiis, &

Consultationibus Episcoporum, & Regularium præpositæ exposito, quod cum in Capitulis, & Congregationibus dictarum Provinciarum in Curia Regia celebrari solitis vocales ad suffragia sua Religiosis immeritis conferenda Magnatum commendationibus sæpius adducerentur, ad abusum hujusmodi tollendum in Capitulo generali primodiæi Ordinis anno 1688. celebrato Diffinitorium Generale, ad instantiam Vocalium Nationis Lusitanæ per suum Decretum præceperat, ut in posterum dicta Capitula, & Congregationes extra Curiam præfatam in Conventu a Superioribus Generalibus eligendo celebrarentur, & alias prout in dicto Decreto uberius dicebatur contineri; Ne vero Decretum hujusmodi sub quovis prætextu violaretur, sed semper executioni mandaretur, ipsi Fratres plurimum cupiebant illud auctoritate dictæ Congregationis Cardinalium confirmari. Emanavit ad eorum supplicationem ab eadem Congregatione Cardinalium Decretum tenoris, qui sequitur, videlicet -- Sacra Congregatio Eminentissimum, & Reverendissimum S. R. E. Cardinalium negotiis, & Consultationibus Episcoporum, & Regularium præposita, audita relatione Patris Procuratoris Generalis dicti Ordinis, & attentis narratis, censuit, ac decrevit ferendum esse Decretum Capituli Generalis editi anno 1688. Romæ 23. Septembris 1702. G. Cardinalis Carpineus. J. N. Paraccianus Secretarius.

§. 1. Cum autem, sicut etiam dilectus filius Verissimus a Conceptione Frater expresse professus, & Procurator dictæ Provincie Portugallia Nobis subinde exponi fecit, ipse Decretum hujusmodi, quo firmius subsistat, Apostolicæ confirmationis nostræ patrocinio communiri summo desiderio: Nos ipsum Verissimum specialibus favoribus, & gratis prosequi volentes, & a quibusvis excommunicationibus, suspensionibus, & Interdictis, aliisque Ecclesiasticis Sententiis, Censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum ferie absolventes, & abلولum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum, auctoritate Apostolica tenore præsentium confirmamus, & approbamus, illique Apostolicæ firmitatis robur adjicimus, salva tamen semper in præmissis auctoritate dictæ Congregationis Cardinalium.

§. 2. Decernentes easdem præsentem Literas semper firmas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit in omnibus, & per omnia inuolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores iudicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Provinciarum, & Ordinis hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum

Ad decernenda mala definitum fuit a Capitulo Generali 1688., ut Capitula, & Congregationes dictæ Provinciarum celebrarentur extra Curiam Regiam.

Decretum d. Congr., quo confirmatum fuit statutum præd. Capituli Gen.

Preces Frat. Provinciarum.

Confirmatio relati Decreti Congreg.

Clauſula.

Dat. 15. Oct. 1701. An. 1.